



SIPA na računima blokirala 426.721 KM

Međunarodna akcija Balkanski kartel usmjerena je protiv osumnjičenih za pranje novca

Piše: **ZINAIDA ĐELILOVIĆ**

Pripadnici Državne agencije za istrage i zaštitu (SIPA) jučer su počeli sa realizacijom međunarodne akcije kodnog naziva Balkanski kartel, koja se izvodi po naredbama Suda BiH i Tužilaštva BiH.

“Istraga se vodi protiv dvije osobe i jedne firme zbog krivičnog djela pranje novca iz člana 209. Krivičnog zakona BiH”, potvrdio je portparol SIPA Luka Miladinović.

Pripadnici SIPA pretresali su objekte u Mrkonjić-Gradu, a istovremeno su to u Sarajevu radili policajci FUP-a. Saznajemo da je SIPA privremeno blokirala račune jednom fizičkom i jednom pravnom licu i to ukupno 426.721,31 KM.

“Operacija koja se provodi u borbi protiv organiziranog kriminala i pranja novca obuhvata ukupno pet zemalja i to Holandiju, Belgiju, Španjolsku, Sloveniju i BiH. Tužilac Tužilaštva BiH nalazi se u Holandiji, gdje sa kolegama koordinira aktivnosti koje se realiziraju u BiH, a odnose se na određene osobe osumnjicene za sudjelovanje u međunarodnoj mreži počinitelja krivičnih djela”, saopćeno je iz Tužilaštva BiH.

Kako saznajemo, pod istragom su braća Mirza i Ervin Gačanin iz Sarajeva, koji su trenutno nedostupni organima gonjenja. / STR. 6. i 7.

Braći iz Sarajeva blokirani računi

U okviru međunarodne akcije Balkanski kartel, **SIPA** je pretresala objekte u Mrkonjić-Gradu, a pripadnici FUP-a u Sarajevu. Saslušana su i četiri svjedoka

Međunarodna akcija Balkanski kartel, čija je realizacija počela jučer ujutro, usmjerena je na borbu protiv organiziranog kriminala i pranja novca. U fokusu istrage su dvije osobe iz Sarajeva, te jedna firma, osumnjičene za krivično djelo pranje novca iz člana 209. Krivičnog zakona BiH.

Pripadnici Državne agencije za istrage i zaštitu (SIPA) pretresali su objekte u Mrkonjić-Gradu, dok su to isto na četiri lokacije u Kantonu Sarajevo radili policajci FUP-a.

“Operacija koja se provodi u borbi protiv organiziranog kriminala i pranja novca obuhvata ukupno pet zemalja (Holandija, Belgija, Španjolska, Slovenija i BiH). Tužilac Tužilaštva BiH nalazi se u Holandiji, gdje sa kolegama koordinira aktivnosti koje se realiziraju u BiH, a odnose se na određene osobe, osumnjičene za sudjelovanje u međunarodnoj mreži počinitelja krivičnih djela”, saopćeno je iz Tužilaštva BiH.

Kako saznajemo, jučer su saslušana četiri svjedoka, a više informacija

bit će poznato po okončanju svih istražnih radnji.

Prema nezvaničnim informacijama, pod istragom su braća Mirza i Ervin Gačanin iz Sarajeva, koji su trenutno nedostupni organima gonjenja. Saznajemo da je SIPA privremeno blokirala njihove račune u ukupnom iznosu od 426.721,31 KM. Novac, navodno, potiče od preprodaje droge. Osumnjičena braća, navodno, dovode se u vezu sa Smailom Šikalom i Davidom Cufajem, koji su ranije uhapšeni u Peruu zbog trgovine narkoticima. **Z. Đ.**



SIPA je pretresala objekte u Mrkonjić-Gradu